

վորութիւնս իւրեանց, որք հաստատեալ են 'ի ժամանակս յազթութեան: Գրեալ է 'ի սոյն թղթի հրովարտակն. առնել համաձայն հրովարտակին և վճռոց եւ շէրի օրինաց, և արդելուլ զանիրաւի հակառակողս:

Ի ամին ժամանակի Կարապետ վարդապետ ոմն, որ զանձնէ ասէ լինել Երուսաղէմացի, մաքրեաց զեկեղեցին Ս. Աստուածածնի 'ի ձորն Գեթսեմանի. զի հեղեղք անձրեաց լցեալ էին անդ հողս, խիճս և քարինս, և գերեզմանն միայն երեւէր, տալով զվարձս մշակաց, և եխից զխորշս և զբաւիղս, զոր սամիկք կոչէին դրունք դժոխոց: (1230):

Հանգեաւ 'ի Քրիստոս Տէր վարդան Արքեպիսկոպոսն Կարուց, մեծխնաստ քերթողն և եղբայր Յովհաննիսի 'ի թուին Հայոց ՈՁԷ (1238). և թաղեցաւ 'ի գաւթի տաճարին Ս. Յակոբայ, որոյ արձանադիրն երեւի ցարդ 'ի մոյթս ձախակողմեան:

Իսկ Սալէհ Էյուպ Մէլիք Եգիպտոսի կամեցեալ տիրել բովանդակ Պաղեստինոյ, եկն 'ի Գազա, այն է Ղազզէ, և զինի իւր եհաս բազմութեամբ Եգիպտական զօրաց զօրավար նորին Րէքին Էտարն Պիպարս 'ի Մէմլուք ցեղէ: Եւ Սալէհ Իսմայիլ տէրն Գամասկոսի առաքեաց 'ի վերայ նորա զզօրավար իւր. և և նորա հասեալ 'ի Պտղոմայիս դաշնակցեցաւ ընդ Լատինս, խոտոացեալ տալ նոցա զմասն ինչ երկրին և կամ զերուսաղէմ. և նոքա ուրախութեամբ ետուն նմա զհեծեալ և զհեռեակ զօրս: Եւ 'ի խմբիլ մարտին պարտեցան Լատինք և զարձան 'ի փախուստ. զհետ մտեալ Եգիպտացւոց կոտորեցին զբազումս 'ի նոցանէ 'ի բերան սրոյ. և Սալէհ Էյուպ տիրեաց Գազայի և ծովեզերեոյ քաղաքաց ոմանց. էառ նաեւ զերուսաղէմ (1240), և բազմութեամբ գերեաց դարձաւ յԵգիպտոս: Իսկ այլք ասեն թէ՛ յետ առման քաղաքին սրբոյ, սպանին զամենայն բնակսն. և յետագայ ամին դարձեալ յաւարի առին զայն, նախ քան զյանձնել Սալէհ Էյուպայ յաջորդին Նիճմէտաինի: Եւ այնուհետեւ մնաց Երուսաղէմ 'ի ձեռս Իսլամաց մինչ 'ի ժամանակս Սուլթան Սէլիմ արքայի Օսմանցոց, որպէս յառաջ բերեն արարացի պատմիչք: